



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Tractatus De Fiducia In Deum Plurimas Et Utilissimas pro
vitâ spirituali instructiones Continens, Præcipue Ad
Obtinendam magnam animæ quietem, & afflictiones
quascunque ingenti cum solatio & fructu ...**

Dusault, Nicolas

Coloniæ Agrippinæ, 1660

§. 6. Voluntas Dei consequens.

[urn:nbn:de:hbz:466:1-50333](https://nbn-resolving.org/urn:nbn:de:hbz:466:1-50333)

bonum, quidquid tandem accidat, adeo ut
 mala ipsa quæ inde promanant, inter bona
 numeranda sint. Cum enim deus per naturam
 suam & essentiam, ipsa sit bonitas, quomodo
 potest ex se profundere aliud quam bonum?
 Quomodo potest velle suæ creaturæ aliud
 quam bonum? siquidem hæc nullam tum ei
 præbet occasionem malefaciendi.

§. VI.

Voluntas Dei consequens.

Voluntas Dei subsequens & secundaria
 est illa, quam Deus habet non ex se solo
 sed datâ occasione vel causâ ex parte creatu-
 ræ. Dicitur consequens, quia consequitur
 nostram dispositionem, & operibus nostris
 conformatur, quæ si bona sunt, illa nobis bo-
 na est & benefica; si mutamur & illa muta-
 tur nostro loquendi modo; cui applicari pos-
 sunt illa Davidis verba: *Cum sancto sanctus e-
 ri & cum viro innocente innocens eris, &
 cum electo electus eris, & cum perverso per-
 verteris.* Instar speculi hic res geritur: illud re-
 præsentat ea omnia, quæ ex opposito fiunt;
 eodem oculo respicit quo aspicitur, Æthio-
 pem, repræsentat nigrum, Europæum, al-
 bum; si torvum intueris, torvum exprimit, si
 arides, aridet; quos si onte, oculis, vultu, ma-

nibusque motus efformas, conformatur
 fert. Talis & Deus est, qui Sap. 7. dicitur
culum sine macula perinde ac si dicat. Sic
 qualemcumque Deus vultum præ se
 semper sine macula est. Si qua forte videtur
 nobis, non ab ipso, sed à nobis est, non
 vertenda vitio, sed nobis. Sicut in speculo
 est macula, neque defectus repræsentat
 vos & defectus illorum qui illud inspicunt
 sed hæc ejus potius perfectio est. Si res
 aut distortas monstrat, non sunt tales
 nec ab illo procedunt, sed exhibet dum
 dispositionem eorumque motus qui
 habet oppositos. *Sic nos tu visita, sicut
 mus.* dicebat S. Thomas Deo, in hymno
 dam quem deinde Ecclesia usurpavit
 cio vener. Sacramenti. Quibus verbis
 rogamus ut nos dignetur invisere
 nobis honoratur. Verum etsi id non potest
 veriùs dici potest: *Sic nos tu visita, sicut
 limus.* Sic nos tractas, sicut à nobis tractas
 sic nos muneris, sicut tibi servimus. dum
 obvertis nobis, si avertamur à te; at contra
 faciem, si revertamur ad te. Odium enim
 te nascitur sed ex peccatis nostris. Vindicta
 punitio non sunt opera tua: *alienum opus
 peregrinum est opus ejus ab eo.* Ignis cupit
 eum nostrarum celestem illam atque

nalem accendit. Crimina nostra ad vindictam
nostri manum illius armant. Tolle peccatum
& infernus non erit : non avertitur Deus ab
homine nisi quatenus à peccante offensus, a-
deo ut voluntas hæc Dei punitiva peccato-
rum nostrorum jure merito *subsequens* vo-
cetur quæ nisi ex nobis oriretur, in illo non ef-
set, idcirco dependet à nobis, consequitur &
conformatur operibus nostris.

§. VII.

 *Applicatio utriusque voluntatis ad historiam
Jeroboami.*

SECUNDUM hanc utriusque voluntatis in
Deo differentiam facile est respondere ad
difficultatem supra propositam, quo pacto
Jeroboam homo sceleratissimus à Deo no-
minatus fuerit Rex decem tribuum, tametsi
paulò post Deus negaverit suo nutu & con-
silio eum ad regnum fuisse promotum. Nam
verissimum est secundum voluntatem Dei
antecedentem, Jeroboamum à regiâ digni-
tate fuisse exclusum, nec ad eam umquam
aspirare potuisse. Verùm cum peccata populi in-
dies cumularentur, & ad coelum usque excre-
scerent, ut inde castigarentur, Deus videns
Jeroboamum regno inhiantem, hominem